

赤水玄珠第四卷目錄

腹痛門 腹痛 水鳴 小腹痛

脇痛門 脇痛

心痛門 心痛 胸滿 胸痛 胸痺 蟲痛

嘔吐噦門 嘔吐噦 胃風 惡心 嘔苦水 嘔沫

嘔膿 嘔長蟲 酒嘔 嘔清水

腰痛門 腰痛

赤水玄珠第四卷

新安生生子孫一奎著輯

腹痛門

附水鳴
小腹痛

生生子曰腹痛極要體認真切庶投劑有功有寒熱脈沉而遲

者寒脈浮而數者熱

有虛實

脈散大而無力者虛脈弦而有力者實

有痰涎

脈滑者痰沉弦

者有積聚

脈沉弦而伏者積或伏或弦者聚

有蟲痛

脈多沉滑或乍大乍小

有死

血

脈沉而澀或結或促

寒痛者綿綿而痛無增減也以姜桂附子之屬溫之

熱痛者時痛而或時吐也得熱物而痛止者蓋辛熱能沖

開鬱結氣道疎通暫得少愈而陰血日虧燥火愈熾不

久復發遷延歲月此為積熱輕者以山梔黃連白芍香

附之類重者調胃承氣湯下之

虛痛者以手重按至痛處而止者是也宜參朮白芍加溫
煖藥

實痛者手不可近按之愈痛或消或下詳症施治

飲食所傷作痛者宜溫脾行氣以消導之蓋飲食得寒則
滯得熱則化若痛漸下及日久不愈者宜推蕩之詳見
內傷飲食門

痰痛者必小便不利痰隔中焦氣閉下焦上下不相流通
故痛治當導痰開鬱 又伏飲作痛者或吐或下視形
氣何如當與痰飲門相參治

蟲痛者面上有白斑點唇若塗硃痛後便能食時作時止

詳見蟲門

食積死血痛者痛有常處而不移動者是也

宜按門尋治

腹中水鳴

丹溪曰腹中水鳴乃火擊動其水也蓋水欲下火欲上相觸而然用二陳湯加芩連梔子亦有臍寒而水聲汨汨者宜分三陰部分而治中脘太陰當臍少陰小腹厥陰各從其宜溫之

又有腸胃空虛而鳴者宜參朮之類補之

腹中水鳴而痛亦有因于火因于鬱者

生生子曰觀丹溪治腹痛無定方蓋欲使人認病自擇且方者隅也隅于一則不能圓活而貫通是以後人有守

死方之誚

凡臍下痛而人中黑者多死

○感暑而痛或泄痢併作其脉必虛宜十味香薷飲或六和湯

感濕而痛大便溏泄小便不利其脉必濡宜胃苓湯

食積痛常欲大便去後而痛減者是也宜溫宜消久者遇

仙丹神芎丸等擇而下之

當與傷食門相參治

氣滯而痛其脉必沉宜木香順氣散

死血痛痛有常處宜桃仁承氣湯

痛而欲得熱手按及熱物熨者是寒宜香砂理中湯或五

積散

痛而熱手熱物熨不止者是熱宜黃連解毒之類實則

硝黃下之

腸沙痛極是急速先與鹽湯探吐或委中并十指出血

藿香正氣散正氣天香散

酒積痛 酒傷則發宜泄其積痛自止也

多年敗田螺殼煨存性加三仙于木香檳榔丸中更加

山茵陳等分眾藥中其效甚速

禁痛湯 治火痛

黃連姜汁炒 山梔仁炒各二錢 橘紅 茯苓各一錢半 草薢仁七分

半夏一錢 甘草四分 姜三片食前服

星半安中湯 痰積作痛

南星 半夏錢各半 滑石 香附 枳殼 青皮 木香

山梔仁炒 蒼朮 砂仁 茯苓 橘紅錢各一 甘草分四

生姜四片煎服

氣攻痛者去南星滑石加厚朴玄胡索各錢

痰甚者加白螺壳燒灰一錢臨服調下

木香順氣散 氣滯腹痛

木香 香附 檳榔 青皮 陳皮 厚朴 蒼朮

枳壳炒 砂仁錢各一 甘草分五 姜三片煎服

香砂理中湯 卽理中湯加藿香砂仁

小腹痛

傷寒家蓄血在下焦宜抵當桃仁承氣之類若因氣鬱下

痛以青皮主之寒者以桂枝吳茱萸溫之若因疝奔豚
竅聚者又當循各門施治

苦練丸 治奔豚小腹疼痛寒也

苦練 茴香 大附子 三味酒煮焙乾末之每兩入

玄胡末半兩全蝎炒丁香各十八箇爲末酒糊丸梧

子大每食前溫酒下五十丸

酒煮當歸丸 治小腹下痛及疝

當歸一兩 茴香半兩 附子七錢 良姜七錢 四味酒煮乾再焙加

後藥 鹽炒 丁香各半兩 全蝎二錢

柴胡 升麻 木香各一錢 苦練五分 甘草炙五分 玄胡索四錢

爲末酒煮糊丸梧子大每一三十九丸 空心白湯下

小腸癰作痛者其身甲錯腹皮急按之濡如腫狀腹常痛
或達臍生瘡急宜下之或以雲母膏太乙膏爲丸服之
白愈

脇痛門

有風寒

脉浮弦而有食積

脉沉弦而有痰飲

或弦或滑

有痰飲

或結或促

有

死血

脉有虛

脉弦而無力

有氣鬱

脉沉

有火

脉洪滑

當

分條類析明別左右施治

經曰左右者陰陽之道路氣之所終始也又曰肝木氣實

則脇痛肝氣實則怒夫謂實者指邪氣而言經曰邪氣

盛則實是也

脇痛屬肝木及胆火木氣實者以柴胡川芎青皮蒼朮疎

之肝火盛者以當歸龍會丸瀉之死血積者以桃仁紅

花香附川芎破之痰飲流注者以南星半夏蒼朮川芎

豁之鬱宜開鬱寒宜散寒此大法也

兩脇走痛是痰實者可用控涎丹

方見痰飲門

左脇痛爲肝經受邪宜枳芎散或柴胡疎肝散

右脇痛爲肝經移病于肺宜推氣散

食積痛

凡痛有一條扛起者是也當于積

塊門檢治

氣弱人脇痛脉細緊或弦多從勞役怒氣得者八物湯加

木香青皮

肥白人氣虛發寒熱而脇下痛用參芪補氣柴胡黃芩退

熱木香青皮調氣

瘦人發寒熱脇痛多怒者必有瘀血宜桃仁紅花柴胡青

皮大黃滑石

去滯氣必用青皮乃肝胆二經之藥若二經血不足者先

當補血少加青皮可也

脇痛發寒熱似覺有積塊必從飲食大飽勞力所致必用
龍會丸

痰飲停伏脇痛宜導痰湯

脇下痛而大便秘結者木香檳榔丸或龍會丸

亦有虛寒而作痛者一人脇痛連膈服氣藥不効後用辛
熱補劑下黑鉛丹而愈

解痛外以琥珀膏貼之或以白芥子水研敷之或吳茱萸
醋研敷之茱萸炒熨亦佳

當歸龍會丸 肝木實火兩脇痛之要藥

當歸 龍胆草

各酒洗

山梔

黃連

黃芩

各一兩半

龍會

大黃酒煨各五錢 木香半錢 黃栢兩一 青皮兩一 柴胡錢五 射香計少

右末神麴糊丸梧子大每姜湯下三五十九

枳芎散 左脇痛

枳實炒 川芎各五錢 甘草灸一錢半

爲末每二三錢姜棗湯或酒調下

推氣散 右脇痛

片姜黃 枳壳炒 桂心各五錢 甘草灸三錢

爲末每服二錢姜湯調下

雞鳴散 跌撲損傷瘀血停積脇內日久作痛

復元活血湯 從高墜下惡血流於脇下疼痛不可忍

二方見跌撲門

柴胡瀉肝湯 鬱怒傷肝左脇痛

柴胡一錢二分 甘草五分 青皮 芍藥各一錢 黃連炒 山梔炒

龍膽草各八分 川歸一錢二分 水煎服

死血作痛瘦人多怒者常患此

桃仁九個 紅花 川芎 柴胡 青皮各八分 芍藥

香附名一錢半 歸尾一錢半 水煎服

治脇下氣痛神方

小茴香一兩炒 枳殼五錢炒 爲末每二錢鹽湯調下

人夢

1. The first step is to identify the key components of the system. This involves understanding the inputs, outputs, and internal processes. For example, in a manufacturing system, the inputs might be raw materials and labor, the outputs are finished products, and the internal processes are the various stages of production.

心痛門

真心痛者手足青至節旦發夕死夕發旦死寒邪傷其君主也今之治例皆非真心痛也以其在心之部位而名或心之脉絡或手心主之脉絡或胃脘或胸膈或食傷或寒傷或氣逆或痰飲或死血或蟲或鬱火皆致痛也鍼經曰足太隤之脉其支者復從胃別上膈注心中是動則病舌本強食則嘔胃脘痛腹脹善噫心下急痛胃病者腹臘脹胃脘當心而痛上支兩脇咽隔不通脉經曰憂愁思慮則傷心傷心則苦驚喜忘善怒心傷者其人勞倦卽頭面赤而下重心中痛徹背其脉弦此心臟傷所致也諸蟲痛者如心腹痛懊懣發作腫聚往

來上下行痛有休作心腹中熱善渴涎出面色乍青乍白乍赤嘔吐清水者虵也

病機機要曰有大實而心中痛者因氣而食卒然發痛大便或秘久而心胸高起按之至痛不能飲食急以黃連丸利之利後以藁本湯去其邪也有寒厥心痛者手足逆而通身冷汗出便溺清利或大便利而不渴氣微力弱急以朮附湯溫之寒厥暴痛非久病也朝發暮死急當救之是知久病無寒暴病非熱也

陳無擇云若諸經心痛心與背相引心痛徹背背痛徹心若諸府心痛難以俛仰小腹上冲卒不知人嘔吐泄瀉此皆外感內淫則其氣閉塞鬱于中焦氣與邪爭發爲